

მწყემსი



მე ვარ მწყემსი კეთილი: მწყემსმან კეთილმან სული თვისი დაჰსდვის ცხოვართათვის. იოან. 10 — 11.
 შპოვე ცხოვარი ჩემი წაწყმედული. მსრეთ იყოს სიხარული. ცათა შინა, ერთისათვის ცოდვილისა. ლუკ. 15 — 4.
 მოვედით ჩემდა ყოველნი მაშურალნი და ტვირთ-მძიბენი და მე განგისვენო თქვენ. მათ. 11 28.

№ 2 1883—1898 30 იანვარი

გ ა ზ ე თ ი ს უ ა ს ი :

„მწყემსი“	„მწყემსი“ რუსული გამოცემით
12 თვეთ 3 მან.	12 თვეთ 5 მან.
6 — 2 —	6 — 3 —

ფულისა და წერილების გავზავნა შეიძლება ამ ადრესით:
 Въ Квиринъ, въ редакцію „Мѣмесѣи“ и „Пастырѣ“.

შველა სტატიები და კორექსოდენციები, რომელნიც იქმნებიან დასაბუქდავთ გამოგზავნილნი, ვრცლად და გასაგებად უნდა იყვნენ ავტორთაგან ხელ-მოწერილნი.
 სტატია, რომელიც არ დაიბეჭდება, სამი თვის განმავლობაში შეიძლება ავტორებს მათის ხარჯით უკანვე დაუბრუნდეს
 სტატიები მიიღებიან რუსულს ენაზე დაწერილნიც და თარგმნით დაიბეჭდებიან.


სიჯგვა,

წარმოთქმული არხიმანდრიტის ლეონიდის მე-ერ 11 იანვარს სიონის საკათედრო ტაძარში ჩვენის სასიტადულო მეფის ერეკლე მეორის პანაშვიდის გარდახდის დროს.

ვიგონებ დღეთა მათ პირველთა, და ვიწვრთიდ (ფს. 76, 6)

მხნეობითა და ვაჟ-კაცობით სახელ-განთქმულს, ჭკუით მაღალს და კეთილშობილს ებრაელთა მეფე-წინასწარმეტყველს დავითს, რომელიც იყო უხვად

დაჯილდოებული მრავალ-გვარის სიკეთით, სხვათა შორის, ამკობდა და ამშვენებდა ის კეთილი, გონიერული, ყოვლად სასარგებლო და ყველასაგან წასაბაძი ჩვეულებაც, რომ ყოველთვის და ყოველგან ახსოვდა თავისის ერის წარსული ცხოვრება, ბეჯითად ღ გულდანდობით სწავლობდა თავისს წინაპართა თავ-გადასაფალს, მათ ჰირსა და ლხინს, მათ ავ-კარგიანობას და ამით იწვრთებოდა, ე. ი. ამისდა მიხედვით, ამის დაკვირვებით და აწონით დაასკენიდა ხოლმე, რა გვარი, ანუ რა ხასიათის განკარგულება და მოქმედება შესემნდა მის ერს ბედნიერებას და იქნებოდა იმავე დროს ღვთის საამო, მშობელის ერის



განვილო ცხოვრების გათვალისწინებით, მამა-პაპათა წარსულის ბედის ცხადად წარმოდგენის დახმარებით გადასწყვეტდა ხოლმე, რა იყო საჭირო თანამედროვე მემამულეთათვის, რა არგებდა მის ქვეშევრდომებს, რა აცდენდა თავიდან განსაცდელს და სხ. ერთის სიტყვით, ამ მეფეს თავისის ცხოვრებისა და გამგებლობის გზის მაჩვენებლად, შუქ-მომჟვენ ლამპრად და მტკიცე ყვარჯნად მიაჩნდა წინაპართა წარსული ცხოვრება და ამ რწმენას მოკლედ და მარტივად გამოსთქვამს იგი უკვე მოყვანილ სიტყვებში: «ვიგონებ დღეთა მათ პირველთა, და ვიწვრთიდ».

ჩვენც, ხსენებულის წმიდა მეფისა მსგავსად შევკრებილვართ რა სიმრავლით ამ მამა-პაპეულ ძველისძველ სალოცავში, რომელიც მომსწრეა ჩვენის სამშობლოს მრავალის ქირისაც და ლხინისაც, ვინხენებთ ჩვენდა გასაწვრთნელად საქართველოს ცხოვრებიდან ერთს საგულისხმიერო და ღირს-შესანიშნავ დღეთაგანს. დიდი და პატარა, ქალი და კაცი მოვსულვართ აქ იმ აზრით, რომ მოვიგონოთ საქართველოს სახელოვანისა, ნიჭიერისა, თავდადებულის, მოსიყვარულე პატრონ-ბატონისა, პატარა კახის, მეფე ერეკლეს ასი წლის გარდაცვალების დღე. დღეს სწორეთ ერთი საუკუნე შესრულდა, სრულმა ასმა წელიწადმა განვილო მას შემდეგ, რაც მოისპო გმირთა გმირი მეფე ერეკლეს ქვეყნიური ცხოვრება, დღევანდელ-დღეს ამ ასი წლის წინად გაწყდა სიცოცხლის ძაფი იმ მეფისა, რომლის სახელით ამაჟობდა ყოველი ქართველი, რომლის შეხედვა გმირთა ჰქმნიდა მის ქვეშევრდომსა, რომლის რიხიანი ხმა თავს ზარსა სცემდა საქართველოს აუარებელს მტრებს; დღეს დიდი და პატარა მოვსულვართ აქ იმ აზრით, რომ შევავედროთ ზეციერ მამას სული იმ მეფისა, რომლის გონიერულმა და დიდად ბრძნულმა მოსაზრებამ შეგვანარჩუნა სამშობლო ენა, შეგვინახა ეს და სხვა მრავალი წმიდა ტაძარი, მამა-პაპათაგან ნაშრომ ნაღვაწი ჯვარ-სახარება, სასიკადაულო სახელი ქრისტიანობისა, დაგვადებინა ძირს სისხლის საღვრელი ბასრი ფრანგული და დაგვაყენა მშვიდობისა, პატიოსან შრომისა და ზნეობა-გონების სწავლავანვითარების მტკიცე გზაზედ.

ღვთის სამო და ერთა შორის სასიკადაულოა ეს ჩვენი საქციელი. პატივ ცემითი ხსოვნა, არ დავიწყება და ყოველთვის მადლობით ხსენება იმათი, რომელთაც უღვაწიათ საზოგადო ბედნიერებისათვის,

არ დაუზოგავთ თავიანთის სიცოცხლის მსხვერპლად შეწირვა მოძმეთა საკეთილდღეოდ და აღსებულნი ყოფილან ღვთისა და მამულის უანგარო სიყვარულით, შეადგენს შთამომავლობის უმაღლესს და უუსაღმრთოესს მოვალეობას. „იცნა ხარმა მომგებელი და ვირმან ბაგა პატრონისა თვისისაო“, სწერს ღვთივ განბრძნობილი წინასწარმეტყველი ისაია (1,3,) და რაზომ უმაღურნი და უგუნურნი უნდა ვიყვნეთ ჩვენ, რომ დავივიწყოთ იმისი სახელი, რომელიც ღამეც-კი არ აძლევდა თავისს თავს მოსვენებას სამშობლოს კეთილდღეობისთვის შრომა-ფიქრის გამო, რომელიც პირველი იყო ყოველ გასაჭირში და იცოდა სოცარი გამხნეება ქვეშევრდომთა, „ძმებო ყოველნი სიკვდილის შვილნი ვართ, გარნა სიკვდილი მამულისა და მეფისათვის ყველაზე უდიდესია; გავწყდეთ ყველანი, მეც აქ თქვენში ვარ, ნუ უჩვენებთ მტერს ზურგს და ჩვენს გვარსა და სახელს ნუ მოვაყივნებთ“. რად მოგვცემს ღმერთი კეთილს, და რად წავვიმართავს იგი ცხოვრებაში ხელს, თუ დავივიწყებთ და რა დავაფასებთ შრომას იმისას, რომელიც არსა ჰზოგავდა ხალხში ზნეობისა და სარწმუნოების აღდგენისათვის, რომელმაც სძლია ათასნაირი დაბრკოლებანი, შეჰკრიბა ქართლ-კახეთის მწყემს-მთავარნი და მათთან ერთად განარჩია და აღმოუხვრა ქართველთა შორის უწყსოდ ქცევანი, დაუდვა მათ სჯული მტკიცე და შეურყეველი, გამართა სტამბა და აღავსო ყოველი ქართველი წიგნითა.

დიად, დღეს ჩვენ ვხდილობთ ერეკლეს პატიოსანის სახელის წინაშე ზნეობრივ ვალს, ვასრულებთ ამ საღმრთო მოვალეობას სიამოვნებით სიწრფოებით, ქრისტიანულის სასოებითა და მტკიცე იმედით, რომ ღმერთი შეისმენს ჩვენს ლოცვა ვედრებას, ყურად იღებს ამოდენა ერის გულითადს დალადს და მართალთა თანა განუსვენებს მონასა თვისსა, კეთილ-მორწმუნესა მეფესა ჩვენსა, ერეკლეს, რომელიც მუდამ ჟამს გამზადებული იყო შეეწირა თავისი თავი ზვარაკად მამულისა და სარწმუნოებისათვის; ამასთან ერთად დიდი და პატარა ღრმად დარწმუნებულნი ვართ, რომ ღვთივ გაბრწყინებული სული პატარა კახისა გახარებულთა დღეს ჩვენის საქციელით და თავისებრივის მხურვალე სიყვარულით შესთხოვს, ეხვეწება და ევედრება ზეციერს მამას, რომ უმეტ-ნაკლებოდ შევივნოთ და შევითვისოთ, ჯეროვანად გავითვალისწინოთ და შესაბამად განვახორცი-

ელოთ იგი დიადი აზრი, რომელიც წინ წაიდლოდა და სარჩულად დაუდო მან საქართველოს სვე-ბედის მძლავრ რუსეთთან დაკავშირებას.


ქრისტიანობის შეურყევლად დაცვა, შენახვა დედა-ენისა შეუბღალავად, აღყვავება, განვითარება, წინ-მსვლელობა და ბედნიერება ერისა თავის სამ-შობლოსავე მიწა-წყალში, მამა-პაპათა სისხლით გან-პოხებულ მიდამოში, აუარებელ გმირების წმ. ძვლე-ბით გაპატოონებულ ნიადაგზედ—აი ყველა ის, რისთვისაც იბრძოდა და დაუძინებლად იღვწოდა მეფე ერეკლე, რის გამოც ეკვეთებოდა ოსმალ-ყი-ზილბაშ-ლექთა უთვალავ ლაშქართ, რის ხაპოვნე-ლადაც აიხადა გვირგვინი, მოიხარა თავი რუსეთის ტახტის წინ, გადასცა თანამორწმუნე რუსეთის მძლავრ თვით მპყრობელს ბისონი, დიადიმა, სკიპტრა და სფეროი. ვინ არ იცის რა სავესებით, სისრულით და სინამდვილით, რაგვარის დიდ-სულლოვნობით და კე-თილშობილურად, მამობრივის ერთგულობით და პატრონულის მზრუნველობით ასრულებდნენ და ასრულებენ დღევანდლამდის დიდ-ბუნებოვანნი, ქრის-ტეს მმოსაენი და მძლავრნი რუსთა მეფენი ერეკ-ლეს ანდერძს და მის მხურვალე ზვეწა-ვედრებას ქართველის ერის დაცვა-შენახვის, ქრისტიანობის გამტკიცებისა და ძვირფასის მამულის მოვლა პატ-რონობის შესახებ? ვინ არ იცის, რა მტკიცედ და შეურყევლად დაიპყრეს ქართველის ერის თანაგრ-ძნობა და ნდობა ჩვენმა მფარველმა და სარწმუნო-ებით ძმებმა—რუსებმა თავიანთი უანგარო, ქრისტი-ანობრივის პატიოსნების სათანადო ჩვენზედ გულ-შემატკივრობით, ჩვენი კეთილ-დღეობისათვის მზრუნ-ველობით, ჩვენის სიხარულისათვის სიხარულით და ტკივილისათვის სიმგლოვიარით? ყოველი ამისი თვალ-საჩინო, ცხადი და უტყუარუ საბუთი, სხვათა შო-რის, თვით ეს დღევანდელი დღეც არის: ეს დღე-ვანდელი დღე, საგულისხმიერო განსაკუთრებით ქართველის ერისთვის, ჩვენთან ერთად უცენიათ პა-ტივისადებად რუსეთის ტახტისა და ერის წარმომად-გენლებსაც და ჩვენთან ერთად ძმურად, მეგობრუ-ლად, ქრისტიანობრივის ერთობით განუზრახავთ მათ მარად სახსოვარის ერეკლეს სულის შევედრება ღვთის მიმართ. აი, ეს უკანასკნელი გარემოება—გამოცხა-

დება რუსეთის ერის წარმომადგენელთა მიერ ღღეს ქართველების მიმართ ერთგულობისა, მოქალაქობრი-ვის მეგობრობისა და ქრისტიანულის სიყვარულისა გვადებს აწინდელ ქართველებს ერთ გვარ მოვალე-ობას, რომლის დავიწყება და მომავალში არა გან-ხორციელება გაგვხდის ზნეობრივ დამნაშავედ, რო-გორც წინაშე დიდებულის რუსის ერისა, ისე წინა-შე ერეკლეს ბრწყინვალე სულისა, ეს დიდი და შვილი-შვილთათვის საპასუხო ზნეობრივი მოვალე-ობა ის არის, რომ ამიერიდგან ყოველი ჩვენგანი თითონ უნდა შეგნებით და მოსაზრებით ხელს უწყობდეს ჩვენსა და რუსთა შორის სულიერი კავში-რის განწყობას, თითონ უნდა ჰშველოდეს რუსებს და უადვილებდეს მათ იმ მძიმე ტვირთის განხორ-ციელებას, რომელიც უღლად დაიდევს საქართველოს შეერთებით, თითონ ჩვენ უნდა ვცდილობდეთ აღვა-შენოთ ჩვენი დარუსთა ერთობა მტკიცე და საიმე-დო საფუძველზედ. ამისთვის, ყოველი ქართველი მოვალეა სიყრმიდგანვე შეუდგეს თავისის თავის შეს-წავლას, თავისის ერის წარსულის ცხოვრების კვლე-ვა-ძიებას, გულ-დადებით შესმენას მამა-პაპათა საქე-ბურ ზნე-ხასიათთა, შეთვისებას მათის პატიოსნების, დარბაისლობისა და მხნეობის და სხვათა სათნოებათა შესისხლხორცებას.

საჭიროა მოვიზოვოთ და შევიძინოთ ყოველი ესე იმისთვის, რომ ჩვენი მფარველი ერი, ღვთის განგებით მოვლენილი პატრონ-ძმები ჩავახედოთ ძველის ქართველების სასიქადულო მოქალაქობრივს ცხოვრებაში, დავანახოთ მათ სიდიადე ქართველის კაცის ბუნებისა, სისრულე ქართველის ერის გონებ-რივ განვითარებისა და ამგვარად აღვზარდოთ მათში ის ძმური ნათესაობრივი და მოყვასებრივი ჩვენდა გრძნობა, რომლის საპოვნელად მიეპყრა ერეკლეს თვალი რუსეთის ტახტის მპყრობელისაკენ და რო-მელიც არ მოჰკლებია საქართველოს მთელის საუ-კუნის განმავლობაში არც რუსის ერისგან და არც მის მპყრობელთაგან. თვით რუსეთის სახელმწიფოს უგანათლებულესნი და უკეთილშობილესნი შვილები გვასწავლიან, რომ ვისაც სიცოცხლე არ მოსძულე-ბია და არ განუზრახავს თავისის თავის ქვეყნიდამ აღგვა, ვინც მოწადინებულნი არ არის გადაქმნა-გა-

დაგვარებას, სხვა ერის გამოუსადეგარ ბარგად და მავნე მეტ-ხორცად განდომას, ის მხედ უნდა აღგეს მამა-პაპათა ცხოვრების შესწავლის კვალსაო. და ეს ხომ ვცანით, რომ ყოველივე ამ განსაცდელს და სიგლახაკეს უფროსხოდა სამშობლოს მოყვარული მეფე ერეკლე, საქართველოს არსებობისა და კეთილდღეობისათვის მუდმივი ზრუნვა არ ჰშორდებოდა არც დღე, არც ღამე. ქართველის ერის არსებობისა და მისის ბედნიერების მოპოვების განუსაზღვრელმა სურვილმა დაათმობინა მას მამა-პაპათაგან მემკვიდრეობით მიღებული სამეფო გვირგვინი და ათქმევინა სამუდამოდ უარს სამშობლოს გამგებლობისაგან, რომელიც შეავედრა და ლაულოცა თანამორწმუნე რუსეთის ძალოვან მეფეებს. უკანასკნელნი დიდად ჰმადლობდნენ უზუნაესს ესოდენ საღმრთო და ღიადის ხვედრის მოვლენის გამო და მეფურად თავს იღვეს ქართველის ერის არსებობის დაცვა, მისის მშვიდობიანობის შეურყვევლობა, მისის სულის თვისებათა შენახვა.

აი, რას გვამცნებს ყველას ღღევანდელი დღე, რა ვალსა გვდებს ღღევანდელი ეს ჩვენი კრება. მაშ მვიდლოთ ჩვენც ამ გვარი მცნება ჩვენს გარდუალ მოვალეობად და, შემდეგ მხურვალე ლოცვათა აღვლენისა, მიუძღვნათ ჩვენის მხრით შესაწირავად სულით მნათობ ერეკლეს მტკიცე გარდაწყვეტილება, რომ ამ ღღიდგან ბეჯითად შეუდგებით ყველანი იმის შეგნებასა, შეთვისებასა და მოპოვებას, რის დასაცვადაც იბრძოდა იგი სიყრმიდგან სიკვდილამდე, ხოლო ბრწყინვალე რუსეთის მეფეები, რომლებმაც ჩაიბარეს საქართველო და, ეჭვი არაა, რომ ღღეს ჩვენთან არიან სულიაერად, გავახაროთ და ვასიამოვნოთ მტკიცე და წრფელის აღთქმით, რომ რუსეთის ერის მამა-პაპათაგან ნაანდერძევე განუსაზღვრელ სიყვარულს, მოქალაქობრივს ერთობასა და განუყოფელ ნათესაობას არ ვუდალატებთ.



ლოცვასთან და სასულიერო წიგნების კითხვასთან ერთად აუცილებლად საჭიროა ნების გაწვრთნა, თვით-განუკეთესობა.

წმ. ეკატერინა ქრისტიანეს, სხვათა შორის, ეახლად უდებს ღოცვასა და სასულიერო შინაარსის წიგნების კითხვასა. და მართლაც რომ აუცილებლად საჭირონი არიან ისინი ქრისტიანისთვის; მათ დიდი, ფრიალ დიდი სარგებლობა მოაქვთ ადამიანისთვის. ღოცვაში, თუ იგი წრფელი, ღრმა და მხურვალეა, სული ამაღლდება ზეცას, გონება ილტვის დვთისადმი, გული ივსება სიხარულითა, და ადამიანი გრძნობს დვთის სიხლოვესა. ზეციერი მამა, დაინახავს თუ არა ადურთოვანებულ სულს, მისდამი მტოლკელს და მხურვალს მასთან შეერთებისას, თავს სახიერებისა გამო კეთილ ნებულობს მის დაკმაყოფილებას, უახლოვდება მას, თენს მას თავის სხეებს, ავსებს მისს არსებას ციურ სიტკბოებითა და ანიჭებს მას თვისს ცხოველ-მოუთეფლ მადლსა, რომელიც ეწევა მას სულის განწმენდაში. სამდგომო წერილის გონება დამყარებით კთხვა ანათლებს კაცის გონებას, სავსებით და ცხადად უხატავს მას დვთის ნებას, სასუთეველის გზებს, ასწავტაებს და აკეთილშობილებს მისს გულსა, ბადებს მასში წმინდა გრძნობებს, ააპურობს მასს ნებას კეთილისაადმი, წარმოშობს მასში უმაღლესთ მისწრათებათა და სურვალთა, და ამ სახით სული იწუებს ხოლმე აღმაფრენასა. წმინდანების ცხოვრების დაკვირვებით კითხვა თვალწინ უყენებს ადამიანს სხვა-და-სხვა გვარ იდეალთა, განხორციელებულთა ადამიანების მიერვე უჩვენებს მას კერძო საშვალებათა ბოროტების დათრგუნვისათვის და კეთილის აღსრულებისათვის, ამხნეებს, ახალსებს და აქეზებს მას ქრისტიანულ იდეალების შესისხორცებისათვის. გარნა, იმისთვის, რომ ღოცვა და სასულიერო წიგნების კთხვა იყოს კეთილ-ნაყოფერი, დვთისათვის სასიამოვნო და ადამიანისთვის სასარგებლო, საჭიროა, რომ ისინი შეერთებულნი იყვენ ნების განვითარებასთან, სულის გაუმჯობესობასთან, სახარებრივ ცხოვრებასთან. თუ ღოცვას და სასულიერო წიგნების კითხვას ზნეობრივი გა-

ნ თლება, სათნოიანი ცხოვრება თან არ ჰყვება, მაშინ მათ არ მოაქვთ ჯეროვანი ნაყოფი. მაცხოვარმა ბრძანა: „არა უოველმან, რომელმან მჰქვას მე: უფალო! უფალო! და შევიდეს იგი სასუფეველსა ცათასა; არამედ რომელმან ჰყოს ნებაჲ მამისა ჩემისა ზეცათასა» (მათ. 7, 21). მოციქული ჰავლევ იტყვის, რომ არა მსმენელი სამდვთო წერილისა გამართლდება, არამედ მისი აღმსრულებელი. წმ. მამა ეფრემ სირელი ამბობს: „თუ ჩვენს ღოცვას სითამდაბლევ, სიუვარულა, სიწრფელე და გულ-კეთილობა არ ამშვენებებს, უსარგებლოა იგი“. ამნაირად ქრისტიანემ, თუ მას უნდა, რომ ღოცვაში წარმატება ქონდეს და სასულიერო წიგნების კითხვა მისთვის სასარგებლო იქნეს, უმთავრესად უნდა იზრუნოს თვის ნების განვარჯშობაზე, კეთილ საქმეში განმტკიცებაზე. ქრისტიანემ დრო უმეტესად უნდა მოანდომოს თვია ნების გაწვრთნასა, გასწორებასა: ბოროტებისგან მოცილებასა და კეთილი ადმი მიქცევისა. ის აზროვნებასთან და მგრძობელობასთან ერთად ქეც დაუდალავად უნდა მოქმედობდეს; თვითოეულ სხვიმფუნარე აზრს, მას გონებაში წარმოძობილს, დრმად უნდა ინერგავდეს თვის გუნებაში. უნდა ჩაიყვანოს იგი გულის სიღრმემდის და ნებაში უნდა შეაბწნას. ის უოველ კეთილ სურვილს დაუყოვნებლივ საქმედ უნდა აქცევდეს; წარმოადგენს რა ქრისტეს მცნებათა, ის არ უნდა დაჯერდეს იმას, რომ ხარობს და სტკება მათის სიმშვენებრის ჭვრეტითა, არამედ უნდა შეისისხლხორცოს ისინი; არ უნდა კმაყოფილდებოდეს ბაწიერებისადმი სიძელილითა, არამედ უნდა იწყოს მისი მოკვეთა. დავხატოთ მოკლევ ის გზა, რომლითაც ქრისტიანე თვის ნების გაუმჯობესობას უნდა შეუდგეს. თავდაპირველად ქრისტიანე ურადდებას ამუარებს თვის თავზე, იხედება თვის სულის სიღრმეში, პირუთვნელად იკვლევს, რა ნაკლულევანება აქვს მას, და ამ სახით თვისს თავს სცნობს. თვის თავის გამოცდისაგან ჩნდება მასში თვის უდიროსობის, ცოლვიანობის შეგნება. ეს შეგნება მასში ბადებს სითავმდაბლეს, შეურვებას თვის სულიერ სენისათვის და თვით გასწორების საქმისათვის შედგომას გადაწვეუტილებასა. ამის შემდგომ, მისი უპირველესი და მუდმივი ფქრი

ის არის, რომ უოველთვის მზად იქნეს სასტოგ, ძაღდატანებულ ბრძოლისთვის თვის ცოდვით სურვლებთანა. ის თვალ-უურს ადევნებს თვისს აზრებს, გრძობებს, მისწრაფებათა, რომლებიც მასში ანუ შიგნიდვან აღიძვრიან, ანუ გარედან შთვლენან; სჩხრებს მათ, და თუ ისინი სინადისს და სახარებას ეწინააღმდეგებიან, სცდილობს განდევნოს იგინი თვის სულიდამ, ხოლო თუ ეთანბებიან, მაშინ მას სისრულეში მოჰყავს ისინი. ის მუდამ ეუბნება თვისს თავს: სულო ჩემო, აღსდეგ, ნუ მიეცემი თვლავწყებასა, აღიჭურვე მოთმინებითა და სიმხნითა, იბრძოლე ბოროტებასთან და სძლიე იგი. ადვნიშნოთ ზოგიერთი შემთხვევები ცხოვრებაში, როდესაც ადმიანს შეუძლია ეომოს ცოდვასა და სძლიოს იგი. მაგალითად, რომელიმე პირს ამხანაგებია აწყენენებენ რითიმე, ამცირებენ ღაპარაკში, ვნებენ საქმიით; ხოლო ის უოველივ ამას ითმენს, არ გარისხდება, არ წამოისვრის ღანძლით სიტყვებსა, არ ეკიდება მათ მტრულად და არ სარგებლობს მარჯვედროით, რომ მათ სამაგერო გადაუნადოს; ის მათ სულთ და გულით აპატიებს და მათთან ამხანაგურ კავშირს არ სწყეტს. ანუ, ვინმე ხედავს თვის ამხანაგის ბედნიერებას, და ის ძაღას ატანს თვისს თავს- რომ იგი შერმა არ შეიპუროს. ანუ, ვინმემ მოისმინა მუსაფი, რომელიმე რომელიმე პირს ჩრდილი მიაყენეს, აძაგეს, და ის არ მიზბის იმ პირთან და არ გადასცემს მას წაღაპარაკებსა. ანუ, ხედავს ვინმე ადმიანს, ბუნებისგან დასჯილს, ნიჭით ნაკლებს, უსახოსა, და იგი თავს იჭრს, რომ არ დასცინოს მას, არ იმხვილოს მასზე, არ შეიძულოს იგი; პირიქით სცდილობს დაუახლოვდეს მას, მოეხმაროს მას, რითიც შეუძლია, და დ ჩაგრულს გული დაუტბოს, და სხვა-და-სხვა. რა სკვირველია, ადმიანი ერთბაშად და ერთნაირივ ზომით ვერ შეებმება და ვერ იტყვის უარს თვის ცოდვით მიდრეკილებათა. პირველ ხანებში იგი დამარცხდება, მაგრამ მერმე თანდათან იწყებს გამარჯვებასა, საჭიროა ოღონდ რომ ენერგია არ დაგარგოს. ასე, ადმიანი, დაიწყებს რა თვის ბოროტ სურვილების წინააღმდეგობასა და შემესვრას, სდგება თვით გაუმჯობესობის ნამდვილ გზაზე, ეჩვევა ცუდ სურვილების უარყოფასა და კეთილ



წადილთა განხორცულებასა. ეს ბედნიერი ჩვეულება ადამიანმა უნდა მოიპოვოს სიყმაწვილეში, რადგან მერმე, როცა იგი ცხოვრების მორევში შესცურავს, როცა იგი ოჯახს მოეგოდება, როცა მას სხვა-და-სხვა ზრუნვა, ფიქრი, მოთხოვნ-ლება მოემატება, როცა მასში ვნებანი გამაგრებულნი იქნებიან, — ძნელია, ფრიად ძნელია იმის მოპოვება. აი, როცა ადამიანი ამ პირდაპირ სულის განახლებისადმი მიმუხანდელ გზას დაადგება, როცა შეუდგება, თვის ნების აღზრდასა, ღვთის ნების აღსრულებასა და ბიწიერებისგან უკუნცქევასა, მაშინ, მხოლოდ მაშინ იქნება ღვთისთვის სასიამოვნო და მისთვის სასარგებლო ღოცვა და სასულიერო წიგნების კითხვა, მაშინ გადმოველინება მას ღვთაებრივი მადლი, მაშინ დაუკავშირდება იგი უფლისსა. და აი იმიტომაცაა ის სატირალი მოვლენა, რომ თუმცა ზოგიერთნი გულმოდგინეთ კითხულობენ ს. მღვთო-წერილს, ზედმიწევნით სწავლობენ მას და ხშირადაც ღოცულობენ, მაგრამ მაინც ვერ უახლოვდებიან ღმერთს, რადგან იმათ უყურადღებოთ დასტოვებს უმთავრესი საქმე ნების გავარჯიშება, თვით გასწორება და მათ იდეების და სინამდვილის შორის ურთიერთობა არ სუფევს.

კაპახიძე



იმერეთის ეპარქიის სამღვდლოების დეპუტატების კრება 3. მუთაისში 17, 18, 19 და 20 ნოემბერს.

(გაგრძელება*).

19 ნოემბერს, დილის 9 საათზე გაიხსნა კრება. ამ დღეს, თითქმის, ყველა დეპუტატები მოვიდნენ. გარეშე სამღვდლოებაც ბევრი დაესწრო კრებას ამ დღეს. თავმჯდომარე, კრების გახსნისათნავე, მიიქცა დეპუტატებისადმი შემდეგი სიტყვით:

თავმჯდომარე: ყველა ის კითხვები და საქმეები, რომელნიც გადმოცემული გქონდა განსახილველად ყოვლად სამღვდლოსაგან, სასულიერო სემინარიის, ოთხ-კლასიანი და საქალეზო გაბრიელის სასწავლებ-

ლების სამმართველოებისაგან, თითქმის, განვიხილეთ; ესლა გვჩიება სანთლის ქარხნის ძველი მეთვალყურე კამიტეტის წევრთა თხოვნები მათთვის საჩუქრების დანიშვნის შესახებ და კერძო პირებისაგან შემოტანილი თხოვნები, რომ მათი შვილები განათვისუფლებული იქნენ სწავლის უფლებისათვის გადასახადი ფულისაგან, ან რაიმე შემწეობა დაენიშნათ მათ. ეს წვრილალი საქმეებაც განვიხილოთ და მერე შეუდგეთ სანთლის ქარხნის წარმოების ანგარიშის განხილვას და ამავე ქარხნის მართვა-გამგეობის კამიტეტის წევრთა აღრჩევას.

დ. დ. დამბაშიძე. სანთლის ქარხნის საქმე ისეთი საპატიოა, რომ ამ კითხვის განხილვას პირველათვე უნდა შევდგომოდით. კერძო პირთა თხოვნები გადადევით და პირველად სანთლის ქარხნის ანგარიშის წაკითხვას და გამგეობის საქმეს შევუდგეთ. (ამ წინადადებაზე ყველანი თანახმანი გახდნენ).

თავმჯდომარე. ძლიერ კარგი. როგორ ინებებთ? სანთლის ქარხნის ანგარიშის განხილვას მარტო იმ დროიდგან შეუდგეთ, რაც ახალი გამგეობა განაგებს ამ საქმეს, ე. ი. მარტო 1896 და 1897 წლებისას, თუ ძველი წლებისაც განვიხილოთ?

აკვ. დ. დამბაშიძე. რომ კრებამ თვალ-საჩინოდ დაინახოს, თუ რა მდგომარეობაში იყო სანთლის ქარხნის წარმოების საქმე უწინ და დღეს, როცა თვითონ სამღვდლოება მმართვეს ამ საქმეს თვის მიერ აღრჩეული პირებით, მე საჭიროდ მიმაჩნია, რომ კრებას მოხსენდეს სანთლის ქარხნის მართვა-გამგეობის მოკლე ანგარიში 1890 წლიდან. (ყველანი თანხმობას აცხადებენ).

თავმჯდომარე: ძლიერ კარგი; მეც ეს მსურდა, მაგრამ ვერ ვაცხადებდი, რადგან შეიძლება არ დამთანხმებოდით, რასაკვირველია, კარგია, ძველი წლების მოკლე ანგარიშების გადახედვა, რომ კაცმა შეიტყოს, თუ რა უმჯობესობა მოხდა სანთლის ქარხნის წარმოების საქმეში დღეს. მე ვფიქრობ, რომ სანთლის ქარხნის მოკლე ანგარიში კლასის დაფაზე დაეტიოს, და ამიტომ საუმჯობესოდ მიმაჩნია ამ ანგარიშებიდან ამოვიღოთ და დაფაზე დავწეროთ, რომ ყველამ ცხადათ დაინახოს. მე ვსთხოვ ბლალჩინს მ. ნ. შვანგირაძეს დასწეროს ცარკით, რასაც ამ ანგარიშებიდან ამოვიკითხავთ. აი ვიღებ 1891 წლის ანგარიშს. ეს ანგარიში ჩემგან არის შედგენილი, რადგან მაშინ მე ვიყავი სანთლის ქარხნის გამგე. როცა

მე ჩავიბარე ქარხანა, როგორც ამ ანგარიშიდანა ჩანს (კითხულობს ანგარიშს), მე ჩამბარებია კოშტი და ჩამოქნილი სანთელი, პატრუქი, სხვა მასალები და ფული სულ 10,185 მანეთისა. აი დასწერეთ, თუ რა ჩამბარებია მე. მიწარმოვებია საქმე წლის განმავლობაში, ყველაფერი ხარჯები და გადასახადები გამისტუმრებია და წმიდა მოგება დამრჩენია წლის ბოლოს მასალით და ფულად სულ 10,132 მანეთი. შემდეგ სანთლის ქარხნის წარმოება ჩამბარებია დეკ. მ. ი. კიკაჩიშვილს. ამასაც ჯეროვანად უწარმოვებია საქმე და წლის ბოლოს წმიდა მოგება მასალით და ფულად დარჩენია ცხრა ათას მანეთამდე. 1893 წელიწადში, როგორც ჩანს ანგარიშებიდან, უწარმოვებიათ საქმე და წმიდა მოგება მასალით და ფულად დარჩენია რვა ათას მანეთამდე. 1894 და 1895 წლების სანთლის ქარხნის წარმოების ანგარიშები არა ჩანს სრულებით და ამიტომ არ შეგვიძლია დავასახელოთ, თუ რა შემოსავალი იყო ამ წლებში“.

სხენებულ წლებში სანთლის ქარხნის წარმოების ანგარიში ბევრი ძებნეს როგორც ეპარქიალურ კანცელარიაში, ისე თავმჯდომარის წინ მდებარე ქალღლებში, მაგრამ ვერაფერი ვერ მონახეს.

დეკ. დ. ლამბაშიძე. სანთლის ქარხნის ძველი გამგეობის ზედამხედველი კამიტეტის წევრნი ამტკიცებდნენ, რომ ყველა წლების ანგარიშები სანთლის ქარხნის წარმოების შესახებ ეპარქიის კანცელარიაში ინახებოდა, და თუ იქ არის რამე, რატომ არ მოაქვთ. აი აგერ ბძანდება კანცელარიის მდივანი და ჰკითხეთ, თუ რამეა კანცელარიაში ამ საქმის შესახებ.

მდავანა ერ. ს. თუთბურაძე. რაც რამე საქმეები და ანგარიშები იყო სანთლის ქარხნის შესახებ, მ. თავმჯდომარეს გადმოვეცი, თანახმად მისი თხოვნისა და კანცელარიაში სხვა არაფერია.

ანგარიშები არსად არ აღმოჩნდა და ამ გარემოებამ ცუდი შთაბეჭდილება მოახდინა კრებაზე.

თავმჯდომარე. როგორც ხედავთ 1894 და 1895 წლების ანგარიშები არა ჩანს. მოგეხსენებათ, რომ 1895 წელში გაიქცა რასკინი, რომელმაც თან გაიყოლა სანთლის ფულები. 1895 წლის დამლევს, როგორც მოგეხსენებათ, სანთლის ქარხნის წარმოების საქმე ყოვლად სამღვდელთა მიანდო თვითონ სამღვდლოებებს, რომელმაც ამ საქმის შესახებ აირჩია კამიტეტი დეკ. დ. ლამბაშიძის თავმჯდომარეობით. ამ კამიტეტმა სანთლის ქარხნის ძველი გამგებლის

დეკ. ი. კიკაჩიშვილისაგან ჩაიბარა 156 ფუთი ჩამოქნილი სანთელი, 57 ფუთი კოშტი სანთელი, სამი ფუთი და 30 გირვანქა პატრუქი, ფულად 220 მ. კასის წიგნით, სულ შვიდი ათასი მანეთის საფასე. მაგრამ ამასთან ახალ კამიტეტს დარჩა გადასახდელად ძველი კამიტეტის დროის ვალი 5500 მანეთამდე. 1896 წელში ახალ კამიტეტს უწარმოვებია საქმე და ყველა ხარჯების დაფარვის შემდეგ დარჩენია კოშტი სანთელი 94 ფუთი, ჩამოქნილი 36 ფუთი, და ფულად 1205 მანეთი. ამ 1897 წელში პირველ ნომერამდე ანგარიშით ჩანს მოგება შვიდი ათას მანეთამდე. (ყველა ეს ანგარიშები ციფრებით იყო დაწერილი დაფაზე). აი, მ. მ. დეპუტატო, თქვენ ყველანი ცხადათ ხედავთ ამ ციფრებს და ანგარიშებს. მ. დეკ. დავით ლამბაშიძე ამტკიცებს, რომ ის ვითომ დიდი ფინანსისტია და ყველას ყურები გამოგვიქექა, რომ ჩემ დროს უკეთესად მიდის სანთლის ქარხნის წარმოების საქმეო და ძველ დროში კი ცუდათ მიდიოდაო. მაღლობა ღმერთს, თქვენ კარგათ ხედავთ დაფაზე ამ ციფრებს. გკითხავთ 10,000, 9000 და 8000 მ. მოგება უფრო დიდია, თუ ეს რაღაც საცოდავი ექვსი თუ შვიდი ათასი მანეთი? ჩემი განმარტება საჭირო არ არის, ეს ციფრები ცხადათ გიჩვენებენ ყველას, თუ როდის უწორო ბევრი მოგება შემოქონდა სანთლის ქარხანას ძველი გამგეობის დროს თუ ეხლა. ეხლა თქვენზეა დამოკიდებული, მიიღებთ ამ ანგარიშს და დეკ. ლამბაშიძის მიერ შედგენილ პროექტს სანთლის ქარხნის მმართველ-გამგეობას შესახებ, თუ სხვა წესით წაიყვანთ ამ საქმეს“.

სიტყვის თქმის ნებას ითხოვენ თავმჯდომარისაგან გამგეობის წევრნი მდ. ვ. დოლაბერიძე, დეკ. დ. ლამბაშიძე და სხვა მრავალი დეპუტატები.

მდ. გ. დოლ—ძე გადის, დგება დაფასთან და ამბობს: (მ. თავმჯდომარე, თქვენ ძლიერ ცდებით თქვენს ანგარიშში და მიკვირს რას მივაწერო ეს გარემოება, ანგარიშის უცოდინარობას თუ სხვა რაიმე მიზეზს. თქვენ ბრძანეთ, რომ თქვენი მმართველობის დროს ჩავბარდათ 10,185 მანეთამდე ფულად და სხვა-და-სხვა მასალით. წლის განმავლობაში გიწარმოვებიათ საქმე და წლის გამთავეს მოგება დარჩენიათ 10,132 მანეთამდე. ასეა თუ არა?

თავმჯდომარე. დიახ, ასეა.

მდ. გ. დოლაბერიძე. დიდი შემცდარი ბძანდებით. გავს რომ თქვენ ანგარიში არ გცოდნებიათ.



თქვენ ჩაგაბარეს თანხა 10,189 მანეთამდე. წელიწადი აწარმოეთ საქმე. ეხლა გვიბოძეთ ის თქვენთვის ჩაბარებული თანხა და წმიდა მოგება მერე გვაჩვენეთ: რამდენი გრჩებათ? ჩაბარებული თანხა ხომ უნდა გამოვრიცხოთ წლის დამლევს დარჩენილ ფულში? მაგრამ რაღა გამოვრიცხოთ, როცა ჩაბარებულ თანხასაც კიდევ გიკლიათ?! წმიდა მოგება ის იქნებოდა, რომ ჩაბარებულ თანხას გარდა რაიმე ფული გეჩვენებია და შენს ხელში თანხასაც კი უკლიათ. შენს შემდეგ პირვანდელ თანხას მოკლებია ათას მანეთამდე და შემდეგ წლებში ორი ათას მანეთამდე. 1894 და 1895 წლებში კი სრულებით ვერავითარ ანგარიშებს ვეღარ ვხედავთ. ჩვენ ჩაგვბარდა თანხად ვალებს ვარდა ათას ხუთას მანეთამდე და დღეს ანგარიში გიმტკიცებთ თქვენ, რომ ყველა ხარჯების დაფარვის შემდეგ წმიდა მოგება ქარხნას დარჩენია ექვსი ათასი მანეთი: აი ამას უძახიან წმიდა მოგებას და არა იმას, როცა კაცი წლის დამლევს აჩვენებს იმავე თანხას, რაც მას ჩაბარდა წლის დამდეგს».

ამისთანა ანგარიშის შემდეგ იმათ, რომელთაც სიტყვის ნება ქონდათ გამოთხოვილი განაცხადეს, რომ აღარ სურთ ილაპარაკონ, რადგან მ. ვ. დოლაბერიძემ გამოთქვა ის, რაზედაც მათ უნდა მიექციათ კრების ყურადღება.

თავმჯდომარემ თხოვა იქვე მყოფს ეპარქიალური კანცელარიის მდივანს მ. ერ. ს. თუთბერიძეს, რომ მას როგორც სანთლის ქარხნის კანტროლერს, თავისი აზრი წარმოეთქვა 1896 წლის სანთლის ქარხნის ანგარიშის შესახებ.

მდივანი. სანთლის ქარხნის ახლანდელი კამიტეტი თავის ანგარიშში წმიდა მოგებას უჩვენებს 6500 მანეთამდე. ამ ანგარიშს ეთანხმება ეპარქიალური რევიზიონი კამიტეტი, რომელსაც განსახილველად ჰქონდა გადაცემული ხსენებული ანგარიში. ჩემი ანგარიშით კი ცოტა ნაკლები უნდა იყოს წმიდა მოგება. მე დღეს ხელთ მაქვს ამ 1897 წლის სანთლის ქარხნის თვიური ანგარიშები. თუმცა წელიწადს ჯერ კიდევ ორი თთვე აკლია, მაგრამ წმიდა მოგება 7000 მანეთამდე ჩანს. 1896 და 1897 წლების სანთლის ქარხნის წმიდა მოგებები რომ შევადერთოთ და შემდეგ შუაზე გავყოთ, დავრწმუნდებით, რომ ეხლანდელი წმიდა მოგება წლიურად უფრო მომეტებულია წინანდელზე.

ახალი ამბები და შენიშვნები.

25 და 26 იანვარს ქ. ქუთაისის ყველა ეკლესიებში შესრულებულ იქმნა წირვა და წირვის შემდეგ გადახდილ იქმნა პანაშვიდი განსვენებულის მღვდელთ-მთავრის გაბრიელის სულის მოსახსენებლად. როგორც წირვაზე ისე პანაშვილზე ყველგან ბევრი ხალხი დაესწრო. ასევე მოიქცენ სოფლის ეკლესიებშიაც.

* * *

ათს იანვარს ქუთაისის სააზნაურო სკოლაში მისაღები გამოცდა იყო დანიშნული. გამოსაცდელად მოვიდა თვრამეტი ყმაწვილი. თუმცა მოსამზადებელს კლასებში თავისუფალი ადგილი არ იყო, მაგრამ ბ. ინსპექტორმა ყოველი ღონისძიება იხმარა, რომ შვიდი ყმაწვილი, რომელთაც საუკეთესოდ დაიჭირეს ეგზამენები, როგორმე მოეთავსებინა — სამი პირველს განყოფილებაში და ოთხი მეოთხეში. არ შეგვიძლია არ აღვნიშნოთ ისიც, თუ რა ღმობიერათ ეპყრობა ბ. გარსევანაშვილი მოწაფეებს და მათს მშობლებს.

ვინც ეგზამენები ვერ დაიჭირეს, ან უადგილობის გამო ვერ მიიღეს, ყველას მამობრივს დარიგებას აძლევს და ურჩევს, როგორ მოიქცენ, რომ მომავალში მაინც როგორმე მოთავსდნენ სასწავლებელში. ბ-ნს ინსპექტორს ზოგიერთთ მშობლებთან სჯა ჰქონდა იმის შესახებ, რომ მომავალი სამოსწავლო წლისათვის როგორმე მეხუთე კლასი გახსნან.

„ცნობ. ფურც.“

* * *

ხშირად გვწერენ წერილებს იმპერატორის აღიქმის სანდრე მესამის სახსოვრად გამოსული მენდლის მიღების შესახებ. ამისთვის საჭიროდ ვრაცხთ მოვიყვანოთ აქ ცნობა ამ მენდლის მიღების წესის რიგის შესახებ. აი ეს ცნობა:

უმაღლესის ბრძანებით 25 ივნისიდან 1896 წ. დაწესებულ არიან ღვთივ განსვენებულის იმპერატორის ნიკოლოზ პირველის სახსოვრად მენდლები გულზედ დასაკიდებლად ორნაირს ლენტეხზედ — აღექსანდრეს და ვლადიმერის ორდენისაზედ, ვერცხლისა — მისაცემად იმ სამხედრო და საკლასო ხარისხის მოხელეთათვის, რომელნიც სამსახურში იყვნენ

მისის მეფობის დროს და—ბრინჯაოსი ყველა მღა-
ბალი ხარისხის მსახურთათვის მისაცემად (შეკრ. მმარ-
თებელ. კანონად 1896 წ. სტატია მე-1248 ნომერი).
შემდეგ უმაღლესის ბრძანებით I თებერვლიდამ 1897
წ. უფლება პირველის მენდალის მიღების შესახებ
გავრცელებულ იქნა იმ მღვდელ-მთავართა და სამ-
ღვდლო მსახურებზედაც, რომელნიც მსახურებდნენ
იმავე მეფობის დროს.

ზემოთ ხსენებულთა უმაღლესთა ბრძანებათა
საფუძვლის ძალით, ხსენებული მენდლები, ამ 1897
წლის განმავლობაში, უკვე გაგზავნილ იქმნენ ორ-
დენთა სამსჯავრო დაწესებულების მიერ უწმიდესის
სინოდის ობერ-პროკურორის სამწერლოს საშუა-
ლებით სასულიერო უწყების საკმაო პირთათვის,
რომელთაც მოიპოვეს უფლება ამ მენდლების მიღე-
ბისა—მაგრამ ბევრის ეპარქიებიდან აქამომდე არ
მოსულა წარდგენილობანი ამ მენდლების გაგზავნის
შესახებ იმ პირთათვის, რომელთაც მათის მიღების
უფლება აქვს.

ამის გამო უწმიდესის სინოდის ობერ პროკუ-
რორის სამწერლო, მისის მაღალ აღმატებულების
განკარგულებით, ვალად თვლის საუწყებლად და
სახელმძღვანელოდ ამ შემთხვევაში, განუმარტოს სა-
სულიერო უწყებას, რომ წეს-რიგი ამ მენდლების
მიღებისა ისეთივეა, როგორც არსებობდა იმ მენ-
დლების მისაღებად, რომელნიც დაწესებულ იქნა
ღვთივ განსვენებულის ხელმწიფე იმპერატორის აღექ-
სანდრე მესამეს სახსოვრად. ეს მენდლები გაგზავნილ
იქმნენ (და აქამომდეც იგზავნიან) ეპარქიებში სა-
ეპარქიო მღვდელ-მთავრების სინოდალურის ობერ-
პროკურორთან მოწერილობის ძალით; ამასთანავე
მღვდელ-მთავრები აცნობებენ ჩვეულებრივ იმ პირთა
რაოდენობას, რომელთათვის მენდლებია საჭირო, და
მათის მიღების შემდეგ გზავნიან საკუთარს ხელ-წე-
რილებს მიმღებლებისას. ასეთივე წეს-რიგი უნდა
სრულდებოდეს აწინდელს შემთხვევაშიაც, მაგრამ
ამასთანავე უნდა ვიქონიოთ სახეში, რომ საერო
პირთ, რომელნიც დღეს სამსახურში აღარ არიან,
შეუძლიანთ, თანახმად ორდენთა სამსჯავრო დაწე-
სებულების ახსნისა, მიმართონ მენდლების მისაღებად
ან თვისის უკანასკნელის სამსახურის ადგილს და ან
ადგილობრივს გუბერნატორებს.

„მწამლის“ კორესპონდენცია

ზუგდიდის მაზრიდან.

საეკლესიო-სამრევლო სკოლები ნივთიერად
ჯერ იმავე მდგომარეობაში არიან, როგორშიაც წას-
რულ წლებში იყვნენ. სამღვდლოება, რომელზედაც
ამ სკოლების ბედ-იღბალი არის დამყარებული, შე-
საფერად მოქმედებს. ხშირად თავის ხარჯით ხსნიან
სკოლებს, სადაც თვითონ ინიშნებიან მმართველად
და საღმრთო სჯულის მასწავლებლად. სამღვდლო-
ება რომ ნივთიერად უზრუნველი იყოს, ამ კეთილ
საქმისათვის ის არ დაშურავს თავის საშვალეებას. აი
მაგალითიც: სოფელ მესამე ხორგის (ზუგდიდის მაზ-
რაშია) მთავარ-ანგელოზის ეკლესიის მღვდელმა მ.
ნიკოლოზ დათუაშვილმა, (რომელსაც 1897 წელში
დაენიშნა ხაზინიდან დამატებითი ჯამაგირი), თავის
სამრევლოში თავის საკუთარ სახლში 1894 წელში
შინაურად გახსნა წერა-კითხვის სკოლა, წარსულ
სექტემბერს გადააკეთა ერთკლასიანად, რომელსაც
შესწირა ორ-თვალი სახლი, შესაფერად გაწყობილი
და ორი ქცევა მიწა, მდებარე ირგვლივ სკოლისა,
ღირებული 600 მ., სახსოვრად მისის იმპერატორე-
ბითის უმაღლესობის დიდის მთავრინა ტატიანა ნი-
კოლოზის ასულის დაბადებისა. ამ შეწირულების
შესახებ საჭირო საბუთი ადგილობრივის ბლადოჩი-
ნის ა. ქვარცხავასაგან რაპორტით იქნა შემოტანილი
სამოსწავლებლო რჩევის ზუგდიდის მაზრის განყო-
ფილებაში წარსადგენად სადაც ჯერ არს. ზემო აღ-
ნიშნული შეწირულება დღეს სამოსწავლებლო რჩე-
ვის განკარგულებაში არის. მ. დათუაშვილი პირვე-
ლად მღვდლად მსახურებდა ს. ქალადიდში (სენაკის
მაზრაშია), სადაც მან გააკეთა ნაგები მუქთად სახ-
მარებელნი, გზები, ხიდებიც და სკოლაც ჰქონდა
გამართული. სჩანს, რომ მ. დათუაშვილი კეთილი
საქმისათვის არ ზოგავს არც შრომას და არც საკუ-
თარს საშვალეებას. მ. დათუაშვილი თვითონ მესამე
ხორგის სამრევლო სკოლის მმართველი და საღმრთო
სჯულის მასწავლებლად არის დანიშნული. სწორედ
პატივის და ყურადღების ღირსია მამა დათუაშვილი
ამ კეთილი საქმისათვის. ღმერთმან ინებოს ამ კეთილ
საქმეში ხსენებულ მოძღვარს მიმბაძველნი აღმოჩე-
ნოდნენ.

მღვ. დიმიტრი ბერულავა.

დღესასწაულოება ჟუთაინის ქალაქის გიგანა- ზიაში.

14 ამ იანვარს ქუთაისის ქალების გიმნაზიაში იდღესასწაულეს წმიდა მოციქულთ-სწორის ქართველთ განმანათლებელის ნინას დღეობა, რომლის სახელზე არის ნაგურთხი ტრანჰესი ამა სასწავლებლის ეკლესიისა და რომლის სახელიც ეწოდება ამ სასწავლებელს. წირვა ამ დღეს შეასრულა უოვლად სამღვდელო ბესარიონმა სემინარიის რექტორის მამა არხიმანდრიტის ბენიამენის და კათედრის ტამარის ზოგიერთ სამღვდელო პირთა თანამწირველობით. წირვაზე შეენიერად კალობდა სასწავლებლის მოსწავლე ქალთაგან შემდგარი გუნდი ამავე სასწავლებლის საღმრთო რჯულის მასწავლებლის მ. ა. გიორგაძის ლოტბარობით. წირვაზე დღის შესაფერი სიტყვა წარმოსთქვა ხსენებული სასწავლებლის საღმრთო რჯულის მასწავლებელმა მღვდელმა მ. ალექსი გიორგაძემ. წირვის შემდეგ გარდახდილ იქმნა ჰარაკლისი წმიდა ნინოს სახელზე. ჰარაკლისზე მოხსენებულ იყო ძრავალ ქამიერობით მათი იმპერატორებითი უდიდებულესობანი, მემკვიდრე ცესარევიჩი და სრულიად მეფის სახლობა. მოხსენებულ იქმნა საუკუნო ხსენებით დამაარსებელი ამ სასწავლებლისა კნენა ვორონცოვისა ნადეჟა.

წირვის შემდეგ სასწავლებლის ერთ დიდ დარბაზში გამართული იყო ლიტერატურული დღეა, რომელზედაც ბლომად დაესწრნენ საპატრო სტუმრები და მშობლები მოსწავლეთა. პირველად ხსენებული სასწავლებლის ინსპექტორმა ბ. კალენკოვსკიმ წაიკითხა სასწავ-

ლებლის 51 წლის ანგარიში. წლიურ ანგარიში დაჭეშმარიტებით იყო აწერილი, თუ როგორ მიმდინარეობს ამ სასწავლებლის სუბედი დღემდის თანდათან წარმატებით და ან დღეს რა მდგომარეობაში იმყოფება იგი. ვინაიდან ამ სასწავლებელში მოსწავლეთა რიცხვი თანდათან მატულობს, სთქვა ბ. კალენკოვსკიმ, სასწ. მართველობამ განიზრახა უფასო საქალებო სკოლის სახლის შესეიდა და კიდევ გადაწედა ამ სახლის შესეიდა და სექტემბრიდან ამაწლის სასწავლებელს შეძლება ექნება მოსწავლეების სიცხეს მოუმატოს და ჯეროვანად მოათავსოს ეველათფერი სასწავლებელშიო. ამასთან განაცხადა, რომ მასწავლებელთ დიდი ურადლება აქვსთ მიქცეული მოსწავლეთა გონებით და ზნეობით განვითარებაზე და იმედი გვაქვს, რომ მშობლების დახმარებით მიჯალწევთ ჩვენს მიზანსო.

წლიური ანგარიშის წაკითხვის შემდეგ ზედა კლასების მოსწავლე ქალებმა იმღერეს ოპერადგან *«Жизнь за Царя»*, შემდეგ მოსამზადებელი კლასის მოსწავლეებმა რუდაკოვმა, ეკოროვმა და მარკოვმა წაიკითხეს ნეკრასოვიდგან ლექსი *«პატარა კლესი»*. ამის შემდეგ მემუიდე კლასის მოსწავლემ ბარანოვსკიმ დაუკრა ფორტოპიანოზე. შემდეგ ძალალი კლასის მოსწავლეებმა იმღერეს რუსული სიმღერები. მოსწავლე ქალმა აბდუშელმა დაუკრა როიალზე ოპერიდან *«კარლოს გამბედავი»*. შემდეგ წაიკითხეს სხვა-და-სხვა ლექსები კრილოვის არაკებიდან და იმღერეს რუსული სიმღერები მუექსე კლასის მოსწავლე ქალმა სურკულაძემ წაიკითხა ნადსონის ლექსი *„იუდა“* ლექსი ისე შეენიერად იქმნა წაკითხუ-

ლი, რომ უკვლავ მსმენელზე კარგი შთაბეჭდილება მოახდინა. სწენებულები მოსწავლე იქვე სელოვნურად კითხულობდა ამ ლექს რუსულად, როგორც ნამდვილი ბუნებითი რუსი. ეს ლექსი ამავე ნომერში იბეჭდება ქართულად, რომელიც ნათარგმნია ბ. ი. ფერაძისაგან. დასასრულ იმდერეს, «დემეტო ფარვიდე მეფეს», უკვლავ დამსწრე პირები დიდად ნასიამოვნები დაბრუნდნენ შინ. მაგრამ უმეტესად ნასიამოვნები დაბრუნდებოდა ჩვენი ქართველი საზოგადოება, რომ ამ ლიტერატურულ დილაზე რამე ქართულად ემდერათ, ეგალობათ და წაეკითხათ. მართალია, მოსამზადებელი კლასის ერთმა მოსწავლე ბავშვმა ქართულად წაიკითხა მოკლე ლექსი, მაგრამ ისეთი ნელი ხმით, რომ, თითქმის ვერავინ გაიგონა.

ი უ ლ ა

(ნაღსონიდან)

I.

ქრისტეს, ლურსმებით ჯვარზედ მიმსჯვალულს, შუბლიდან სისხლის ოფლი სდიოდა, და მაინც კაცთა ნათესავისთვის ზეციურს მამას ევედრებოდა. იმის საღმრთო და სათნო სახეზედ წმიდა მადლისა ცეცხლი ელავდა, ტანჯვებს ითმენდა მშვიდის ღიმილით, და ეკლის გვირგვინ ქვეშ არ გმინავდა. ჯვრის გარშემო კი ხალხისა გროვა იდგა, უზრდელად მას დასცინოდა, და უძლოურ მტრობით ვის ცხებდა ჩირქსა, იმ დაბრმავებულს როდი ესმოდა. რა დააშავა?! რასთვის დასაჯეს, ვითარცა მონა, ან მტაცებელი?! და ვინ შეახო კადნიერებით ასე უგნურათ თავის ღმერთს ხელი?! მან სწავლა წმიდა სიყვარულისა ამცნო ცოდვილსა ქვეყნიერებას, უქადაგებდა კაცობრიობას

ძმობის, ერთობის მაღალსა მცნებას, მოძღვრების დროსა ხალხის გულისთვის ბევრი ტანჯვები გამოიარა, და დედამიწამ, ცოდვით სავსემ კი, მისი უმანკო სისხლი დაღვარა...

II.

მტრედის ფეროვანს შუა ღამესა მშვიდათ მოუცავს გოლგოთის არე, და ცის ლაჟვარზედ ტურფა კაშკაშით გამოჩნდა ღამის მნათობი მთვარე. ხან-და-ხან მორცხვი პატარძალივით ის პირზედ ღურბელს მიიფარებდა და ხანდისხან კი მკრთალის ღიმილით გოლგოთის მთასა შენათებდა. ამ მთისა ძირში მდებარე ქალაქს თავს გადაკვროდა ნისლის ზეწარი, და მთისა წვერზედ, მსგავსად გმირების, შავად სჩანდა სამი საზარი ჯვარი. ორსა მათგანზედ კიდევ ეკიდნენ დასჯილნი. მთვარე მადლითა სავსეს თავისს შუქს ცისა სიმალლიდგანა ხშირათ ესროდა მათს მკრთალს სახესა, მაგრამ საშვალო ჯვარზედ არვინ სჩანს... მოწაფეებმა ქრისტე გადმოხსნეს დაასაფლავეს და მის სამარხის ლოდი მხურვალე ცრემლებით მორწყეს.

III.

ვის ჩუმი გლოვა მოისმის ამ დროს საშუალოს ჯვართან მკვლელი გულისა?! ვინ სტირის ნეტავ?! სახეზედ აზის იმას ბეჭედი სულის ტანჯვისა. ვინ იცის, ეგებ სწეულიც არის შორის სოფლიდგან აქ ჩამოსული, რათა იესომ ყოვლად შემძლებელ სიტყვით ჰყოს იგი განკურნებული... და სტირის ახლა, რადგან შეიტყო, რომ ის, ვინ მოსცა ხალხსა ნათელი, ვინც სოფლის კერაებს თავს არ უხრიდა, ბოროტის იყო მამხილებელი, გუშინ უწყალოდ ჯვარზედ გააკრეს, როგორც რომ კაცი მოძულეებული, და საშინელის ტანჯვების შემდგომ მან შეავედრა მამა ღმერთს სული?! ეგებ მოწაფე არს საიდუმლო,

იესოს ტანჯვით გულ-გამსჭვალული,
და მასწავლებლის ჯვარს ამბორს უყოფს
იმის წვალეებით დანადგლებული?!
ან ეგებ მძიმე ცოდვილი არის
სვინდისისაგან შეწუხებული
და ღღეს ცოდვისა შენდობას ითხოვს
იესოს ჯვრის წინ თავ-ჩაქინდრული?!
არა... ეს თვითონ იუდა არის...
ის სალოცავად არ არს მოსული!!
ან ვით გაბედავს ღვთისა ვედრებას
ბილწით აღსაყვ იმისი სული?!
იესოს გვამთან უკანასკნელი
გამოთხოვება მას არ უნდოდა!!
მაშ რათ მოვიდა, ან რომელის გზით?!
ეს იუდაამაც თვით არ იცოდა.

IV.

როდესაც ქრისტე ჯვარზედ საცემლად
გოლგოთის მთაზედ მიჰყავდათ მტრებსა,
და მეტის-მეტად მძიმე ჯვრის ქვეშე
ძლივას ანძრევდა დაღლილს მუხლებსა,
იმ დროს იუდა შორი ახლოსა
მყოფი ხედავდა იესოს ვნებას,
და მიხვდა, თუ ვის სიცოცხლე მტრობით
უმსხვერპლა იმან ანგაარებას.
მიხვდა, რომ არ ვინ აღირსებს იმას
ცოდვის შენდობას პირუთნევეს ცაში.
და შიში, თანამგზავრი ცოდვისა,
გაუჩნდა იმას გულის სიღრმეში.
მთელი ღამე მის დამფრთხალს გონებას
ქრისტეს აჩრდილი ეჩვენებოდა,
ამაოდ სურდა მის მოშორება
და მოსვენება ენატრებოდა,
რომ საფარს ქვეშე წყნარისა ღამის
მას ყველაფერი დავიწყებოდა:
მაგრამ არ იქნა მშვიდობის ძილი
მას მკურნალად არ ევლინებოდა,
რადგან წყვდიადში, თითქოს ცოცხალი,
ქრისტეს აჩრდილი ელანდებოდა.

V.

აი მის წინ სდგას ქრისტე გვემული,
ეს მოციქული ქემჰარიტების,
ღმერთი, ჯვარცმული განჩინებითა
შესყიდულის და ბრმა მსაჯულების.
აი ის! ჩუმის საყვედურიტა

მისი ციური სახე ელვარებს,
ეკლის გვირგვინი, ეს სიყვარულის
გვირგვინი იმას შუბლსა უწყლულებს.
და სჩანს, სასტიკსა განჩინებასა
ყურში ჩასძახის ის იუდასა
— «წადი, უბიწო მოჩვენებაო»
იტყვის იუდა—ნუ, ნუ მიწყლავ გულს!
თუნდ ერთის წუთის მაინც მიეცი
მას მოსვენება დასნეულებულს!!
რომ აღარ ვგრძნობდე, აღარ ვცოცხლობდე,
დაჩლოუნდეს ჩემი მესხიერება,
და ესრედ, მტირალს მწარე ცრემლითა,
მელირსოს მცირე მე მოსვენება!!
შეხედე... შენი გამცემი სტირის
შენს ფეხთ წინაშე.. ოხ, შემობრალე!!
შენი თვალეები გულსა მიპობენ...
ნუ მიცქერ... წადი, გამშორდი მალე!!
თვით ხედავ, ჩემი მტრული ამბორი
ცრემლით მოვრეცხო მზადა ვარ ღღესა!!
გადამავიწყე ჩემი წარსული,
ნურღა მაგონებ იმ კრულს ღამესა!!
შენა ხარ ღმერთი: შენ შეგიძლია
კაცსა შეუნდო ცოდვა ყოველი!!
და მე?! მე კი ვინ შევიბრალე?!
კმარა!! შევლასა არ ვისგან ველი?!

VI.

სად გაექცევი შ-ვ-ბნელს ფიქრებსა,
და ან სასჯელს სად დაემალები?!
გული დაღუძა, ქკვა დაიქენჯა,
სულში მეფობენ მკვლელი ტანჯვები.
როგორც სურათი ცოცხალ უძრავი
იგივ აჩრდილი ბედის-წერისა,
იმის წინ ღამის სიჩუმეშია
სდგას, როგორც წინდი განქიქებისა
და მთვარიანი ღამე გარშემო
სვამს გაზაფხულის ტკბილ სურნელებას
და დედა-მიწას გაუზიარებს
თვის გულს ჩათხრობილს წყნარს ელვარებას,
და თავ-ხურული თხელისა ნისლით
იტკბობს ქედრონის მთაც მოსვენებას.

VII.

— ქრისტეს გამცემო! წადი, გაიქეც,
და ხალხსა ნულარ მიეკარები
თანაც იცოდე ვერსად სულისა
მყუდროებასა ვერ ეღირსები.

სადაც გინდ იყო, არ მოგშორდება
 შენ ის აჩრდილი ბედის-წერისა,
 და ყოველგან იგი იქნება წინდი
 შენის საშინელ განქიქებისა.
 მოცილდი ჯვარსა! ნუ ბილწავ იმას
 შენის ცოდვილის ამბორებითა:
 იგი წმიდაა და განბანილი
 ზედ დანთხეულის ქრისტეს სისხლითა.
 და ის ივლტოდა!...

VIII.

ნახევარი ცა ჭიაფერივით
 წითლად შეღება დილის ცისკარმა,
 და შორეულის ქედრონის მთები
 ალაპლაპეს მისმა სხივებმა.
 სერებს იქიდან გაღვივებულმა
 მზემ სხივოსანი ამოჰყო თავი...
 გამოიღვიძა ყოველმა არსმა;
 ჰქრის თანაც დილის გრილი ნიავი.
 ტყე, ეს მინდვრების ამაყი გმირი,
 მედიდურადა ლელავს, ხმაურობს,
 მის შუა გულში ვერცხლის ფერი რუ
 ცვლქურ სიმარდით ჩამოჩუხჩუხობს.
 ტყის გულში, სადაც წყვდიადი მეფობს,
 სადაც ვერ აღწევს სინათლე მზისა
 ვერხვისა ტოტზედ გაღურჯებული
 გვამი ჰკიდია ვილაც კაცისა.
 ვერხვი თვისს ზურმუხტ-ფეროვანს ფოთლებს
 იმის სხეულსა გადაათარებს
 და, ვით მეგობარს თვისას საყვარელს,
 იმას ეხვევა და უპატრონებს.
 მოკვდა იუდა! ვერ მოითმინა
 სულისა ჩუმი ტანჯვები მწარე
 და სვინდისთანა შეურთებელს
 არც კი ეღირსა ბედ-კრულს სამარე.
 იმას სიცოცხლის დასასრულამდის
 იგივე აჩრდილი ბედის-წერისა
 ღამის წყვდიადში ეჩვენებოდა
 ვით საყვედური შეცდომისთვისა.
 ერთს და იმავე განჩინებასა
 თითქოს მის პირი აღმოიტყოდა,
 და ტანჯვის მხვლეტის ეკლის გვირგვინით
 მას თვისი შუბლი უწყლულდებოდა.

ილ. ფერაძე.

საისტორიო მასალა

მღვიმის დედათ მონასტერი.

(ზემო იმერეთშია)

როგორც გამოკვლეულია სხვა-და-სხვა დროს,
 მღვიმის მონასტერი არის აშენებული მეცამეტე სა-
 უკუნეში რაჭის ერისთვის რატი კახაბერიძის და მისი
 მეუღლის რუსუდანის მიერ. ეს მონასტერი მდებარეობს
 დაბა ჭიათურიდან ორი ვერსის მანძილზედ
 მდინარე ყვირილის ხეობაში, რომელიც მედიდურად
 გადმოჰყურებს მდინარე ყვირილას და მის გარშემო
 ვიწრო დაცემულ მდებარე ქალებს. ამ მონასტერს
 აქვს ნამდვილი უდაბნოს ხასიათი. ამ მონასტერში
 შესანიშნავია თლილი ქვის ეკლესია სხვა-და-სხვა
 ნაირი ჩუქურთმების სახით აჭრელებული და დახატული,
 ამავე ეკლესიის ვაზის კარები და ბუნებითი
 გამოქვაბული (მღვიმე), სახელწოდებული „ბნელეთი“.

გამოქვაბული, სახელწოდებული «ბნელეთი» ღია
 არის მხოლოდ სამხრეთის მხრით; სიგანით ოცდაათი
 არშინი, სიგრძით სამხრეთიდან ჩრდილოეთისკენ
 სამოც არშინამდის, (20 საჟ.) ხოლო სიმაღლით
 თუთხმეტ არშინამდეა (5 საჟ.) შებრძანდებით თუ არა
 „ბნელეთში», პირველად თქვენ ყურადღებას მიიქცევს
 ცივი წყარო, რომელიც ღამაზათ გადმოჩანჩქარებს
 ბნელეთის თალიდგან; ეს წყარო პირველ საუნჯეთ
 უნდა ჩაითვალოს ამ მონასტრის მცხოვრებთათვის;
 ეს წყარო რომ არ ყოფილიყო, მონასტერიც არ
 აშენდებოდა; ყოველ წლობით ნათლის ღების
 დღეს ამ წყაროს აკურთხებენ ხოლმე და დიდძალი
 ხალხიც ესწრება წყლის კურთხევას. ამ „ბნელეთში»
 უწინ ქვითკირის სათევზე აუზი ყოფილა აშენებული,
 რომელშიდაც ჰყავდათ მდინარე ყვირილიდან
 ამოყვანილი სხვა-და-სხვა თევზები, მაგრამ
 დროთა ვითარებისა გამო ამ აუზის ეხლა კვალიც
 აღარა სჩანს. იქვე, სადაც წყარო ჩამოდის „ბნელეთში»,
 ბუნებით გაკეთებულია «სტალაგმიტი». („სტალაგმიტი“
 ბერძნული სიტყვაა და ჰქვია ისეთ ქვას, რომელიც
 ბუნებით ჩნდება გამოქვაბულ ადგილებში მწვეთავი
 კირ-ნარევი წყლის ცვრებისაგან და ხშირათ წააგავს
 «კონუსს» ანუ შაქრის თავს). ეს „სტალაგმიტი»
 სიმაღლით ორსაქენამდეა და ძირი ირგვლივ
 ოთხ საქენამდის ექნება. მნახველი რომ დააკვირდეს,
 შეამჩნევს, რომ ეს ბუნებით აშენებული ქვა თან-და-

თან იზრდება, რასაც ამტკიცებენ «ბნელეთის» თა-
ლიდგან ჩამომდინარე წყლის ცვრები.

„ბნელეთის“ კედლების ძირში ძველათ უმარ-
ხავს ხოლმე გარდაცვალებულები; დღესაც შეგვიძ-
ლია ვნახოთ იმ დროის რამოდენიმე მიშენებული
საფლავები განსაკუთრებით აღმოსავლეთისკენ. ამ
„ბნელეთში“ სამხრეთისკენ, საიდანაც შესასვლელი
არის, აშენებულია ორი ლამაზი თლილი ქვის ეკ-
კლესია; ერთი არის მიშენებული დასავლეთის მხრით
თვით «ბნელეთის» კედელზედ, რომელიც მეტათ
პატარა არის (სიგანით საყენი, ხუთი არშინი სიგრ-
ძით და ამ ზომის შესაფერისი სიმაღლე) ეს პატარა
ეკკლესია, როგორც მოგვითხრობენ, პირველათ აუ-
შენებიათ, სადაც წირვა-ლოცვა სრულდებოდა მეორე
დიდი ეკკლესიის აშენებამდის; დღეს ეს ეკკლესია
სრულიად გაუქმებულია, ხოლო მეორე ეკკლესია
ბევრათ დიდი არის პირველზედ, დაშორებულია
პირველიდან ერთი საყენის მანძილზედ; ამ ტაძარში
მუდამ სრულდება ღვთის-მსახურება. აი ეს
ეკკლესია არის თვითონ ის, რომელიც ამ წერილის
თავში მოვიხსენიეთ.

უადგილო არ იქნება, ვგონებ, რომ აქვე აღვ-
ნიშნოთ ამ ეკკლესიის კედლებზედ და ხატებზედ
წარწერილება ძველთაგან. ტაძრის აღმოსავლეთის
კედელზედ გარეთ აწერია შემდეგი ლექსი: „ბატონ-
ნიშვილის გიორგის მიერ წინამძღვარ ვიქმენ დიო-
ნოს აქა, და ფრიად ღვაწლის დამდებმან ესე საფ-
ლავი ვითხარ აჰა!“ ამ წარწერილების პირდაპირ
საფლავი არის გაჭრილი. შიგნივ ტაძარში ჩრდილო-
ეთის კედელზედ არის სამი მხატვრობა წარწერი-
ლებით:

„რატი კახაბერიძე—ამა ეკკლესიის აღმაშენე-
ბელი რაჭის ერისთავი კახაბერიძე, მეუღლა მისი
რუსუდან, კახაბერიძე ნიანია“.

დასავლეთის ვაზის კარებზედ აწერია:

«ჩაყის ძესა, კახაბერსა გაუმარჯოს ღმერთმან
ამინ, ამინ. საღირს ციმაკურიძესა შეუწდნეს ღმერ-
თმან ამინ; გოგას ძეს დავითს და მის მეუღლეს
მარიამს შეუწდნეს ღმერთმან ამინ. ამ კარების შე-
მამკობელს... ა... თემით მოსულსა აბესალომს ლო-
მინას ძესა, მისა მეუღლესა თამარს შეუწდნეს ღმერ-
თმან ამინ». დასავლეთის მხრით-გარეთ ეკკლესიის
კარის ბჭესთან არიან დასაფლავებულნი ბატონიშვი-
ლი გიორგი და მეუღლა მისი მზახათუნ დადიანის

ასული. საფლავის ქვებზედ წარწერა შებღალული და
გადაღესილია სიძველით და ძნელი ამოსაკითხია.

ხატებზედ არის წარწერა ხუცური ასო-მთავ-
რული ხელით და ზოგან ასოები წაშლილია და
ძნელათ გასარჩევი.

მარჯვნივ მაცხოვრის ხატზედ აწერია:

„ქრისტე! კაცთა ხსნისათვის ქვეყნად მოსრულო
და არსთა მფლობელო, დღესა მას დიდსა მიხსენ
მარჯვენით მდგომარეთა, მამკობი ხატისა შენისა-
რუსუდან“.

მარცხნივ მაცხოვრის ხატზედ აწერია:

«არსთა ხსნისათვის ქვეყნად მოსრულო, ქრის-
ტე ღმერთო, მიხსენ მეცა მამკობი ხატისა შენისა
სასჯელისაგან. რატი რაჭის ერისთავი».

მარცხნივ ღვთის-მშობლის ხატზედ აწერია:

«ყოვლად წმიდაო, მღვთის-მშობელო, მეოხ-
ეყავნ წინაშე ძისა შენისა დღესა მას დიდსა დედო-
ფალთ დედოფალს რუსუდანს, რომლისა ოქროითა
მოვაქვდინე ხატი ესე შენი და მიითვალე მსახურე-
ბა ესე“.

მარჯვნივ ნათლის-მცემლის ხატზედ აწერია:

„ნაშობთა ყოველთა უმეტესო, წინა-მორბელო
და ნათლის-მცემელო, მეოხ მეყავნ წინაშე ქრისტესა-
დღესა მას დიდსა განკითხვისასა. რატი რაჭის ერის-
თავი“

დიდ ვერცხლის ჯვარზედ უკან აწერია:

«ჯვარო წმიდაო, პატიოსანო, მეოხებითა შენი-
თა მაცხოვრე მონა შენი მე მეფეთ მეფის ძე პანკრა-
ტი ძე კონსტანტინე მცდემთ და ელენე, ამინ“.

სამი წლის წინეთ მღვიმის დედათ მონასტრის
წინამძღვარმა ნეტარ-ხსენებულმა ილუმენია ელენამ
მთხოვა, რომ ეს წარწერილობანი ცალკე რვეულში
ჩამეწერა მონასტრის უცხო მნახველთა წასაკითხავად,
რადგანაც ყველა მნახველს არ ეხერხებოდა ხუცური
ასომთავრული ხელით წარწერილობის ამოკითხვა,
ამისთვის მეც ცალკე რვეულში მოვათავსე წარწე-
რილობანი, რომელიც ინახება ეკკლესიაში-თვით მაც-
ხოვრის ხატის წინ.

ქიათ. საეკ. სამ. სკ. მასწავ. ბესარიონ ვაშაძე



კლავტონისაგან.

სპირად გვწერენ წერილებს, რომ დაკლებულის ფასით გაუკზავნოთ მსურველთ ჩვენ მიერ გამოცემული წიგნები: „სასწავლო ქაშნი“ და „სადმართო სჯულის სახელმძღვანელო წიგნი“. ზოგი თხოულობს, რომ ეს წიგნები გაუკზავნოთ ფას-დადებით და ზოგი კი კვპირდება გაუიღვის შემდეგ ფულების გამოკზავნას. უკვლას უნდა ვაცნობოთ, რომ ძლიერ ცუდი დრო დაკვიდება. ნდობა აღარ არის. ზოგიერთებისაგან ფულის ამოკებას არა ეშველა რა. სამწუხაროდ ჩვენს მოძმეებშიაც კი აღმოჩნდნენ ისეთი უნდობნი ჰირნი, რომელთა შესახებ ვერას ვიფიქრებდით. რაიც შეეხება ფას-დადებით წიგნების გაკზავნას და ისიც დაკლებული ფულით 40—50 ცალობით, ესეც საძნელოა, რადგან ფოსტა ამისთანა შემთხვევაში კასაკზავნს მეტს იღებს. ვისაც სურს ფას დაკლებით მოიპოვოს ხსენებული სახელმძღვანელოები, მათ შეუძლიათ მიიღონ ჩვენგან ხსენებული წიგნები ქ. ქუთაისში და დაბა უვირილაში. ეს ადვილი მოსახერხებელია, თვითონაც რომ არ შეხვდესთ ხსენებულ ადგილებში ჩამოსვლა, შეუძლიათ ნაცნობს გამოატანონ ფული და მათი ხელით წაიღონ წიგნები.

ზოგიერთ ადგილებიდან აკრეთვე მოკვდის წერილები, რომ სადმართო და საეკვლესიო წიგნები გაუკზავნოთ ფომტათ და იმ ფასად,

როგორც თფილისში იუიდება. ეს მოუხერხებელია. საწუობი მოტანილ წიგნებზე და გასაკზავნს იმისთანა ადგილებზე, საცა რეინის გზა მიდის, მანეთზე 20% იღებს. და იმ ფასებში წიგნების გაუიღვა, როგორც თფილისში იუიდება, შეუძლებელია. ამასთან ვაცნობებთ უკვლას, რომ მარხვანი, ვრცელი ქაუნი, და კონდაკი არსად არ იმეკონება:

ამასთან ჩვენი გამოცემის ზოგიერთ ხელის მოძწერთა ეურადლებას მივაქცევთ ერთ გარემოებას. ზოგიერთები როცა გახეთის ხელ მოსაწერ ფულს გზავნიან, იწერებიან: ვკზავნი რა ამასთანავე სამ ანუ ხუთ მანეთს, რედაქციას ვსთხოვ მიგზავნოს გახეთი 1898 წელში. წერილიდან სჩანს, ვითომც ხსენებული ფული იგზავნება ამ 1898 წლის გახეთისთვის და წარსული წლის ფული კი შემოუტანელია. ალბათ ფიქრობენ, რომ რედაქციას აღარ ესლომება მათზე დარჩენილი ძველი წლის ფულიო. ეს ტუილი ფიქრია!.. რედაქციამ კარკად იცის თუ ვიხედ რამდენი ფულები რჩება. მაგრამ მოთმინებას არ კარგავს!..

რედაქცია ეცდება, რომ თავის გამოცემის შემდეგ ნომრებში სამღვდელოებას წინ-და-წინ მიწოდოს სარწმუნოებრივი და ზნეობრივი მინაარსის საუბრები და საკითხავები დიდ მარხვისათვის. ამისათვის საჭიროა, რომ ფოსტადან დროით მოიკითხონ ნომრები, თუ თვითონ ფოსტა არ უკზავნით მათ დროზე.



„ცნობის ფურცელი“

1898 წელს გამოვა უფრო ვრცელის შინაარსით და მრავალის ცნობებით საქართველოს ყველა კუთხიდან. „ცნობის ფურცელი“ ერთად-ერთი ყოველ-დღიური გაზეთია, რომელიც სიაფისა გამო ყველასათვის ხელ მისაწდომია.

დიდი უპირატესობა აგრეთვე ის გარემოება, რომ გაზეთი გამოდის ყოველ-დღე კვირა უქმეების შემდეგაც წლიურ ხელის-მომწერთა საყურადღებოდ გინც გაზეთს წლიურად დაიკვეთავს, იმას უსასყიდლოდ გაეგზავნება.

კედლის კალენდარი 1898 წლისათვის

სურათებიანი და მშვენიერს ქალღმერთს დაბეჭდილი სხვა-და-სხვა ფერადებით

სამკვლავთა და მკურნალების ნობათები.

„ცნობის ფურცლის“ რედაქციამ შეიძინა უფლება და დამდევს 1898 წელს გამოსცემს

ჩვენის ახალ-გაზრდა ნიჭიერის მწერალის მ. ანაგვისანიძის

სრულს მოგვლავთა

გვთავს სურათით, მოკლე ბიოგრაფიით და კრიტიკულად განხილვით

წიგნში მოთავსებული იქნება ოცზე მეტი სხვა-და-სხვა საუკეთესო მოთხრობები, დაწერილი 1898 წ-დღე წიგნი იქნება მშვენიერს ქალღმერთს დასტამებული, დიდის ზომისა და 300 გვერდზე მეტი

გაზეთის ფასი: წლიურად ყველა ნობათებით 6 მ. ნახევარის წლით 4 მ. ერთის თვით 60 კ. ცალკე ნომერი 3 კ.

შელავათიან ხელის-მომწერთათვის

იმ ხელის-მომწერთ, რომელთაც წლიურ ფასის სრულად შემოტანა გაუძნელდებათ, რედაქცია შელავათს აძლევს: ხელის მოწერის დროს 2 მ. წარმოდგინონ და მერე ყოველ თვე-და-თვე თითო მანეთი, ვიდრე წლის ფასს შეასრულებდნენ. 3—2 რედ. გამომ. ვალ. ლევ. კე გუნია.

ამჟამო საავთმყოფო აგზულატორითურთ

ს. ბ. თოფურიასი

ქ. ქუთაისში.

სავთმყოფოში დგას ორმოცი საწოლი ვხირურგიულ, გინეკოლოგიურ და შინაგან სენით ავთმყოფთათვის. მუწუკებიანი და გადამდები სენით ავთმყოფნი არ მიიღებიან. მოსიარულე ავთმყოფნი მიიღებიან ყოველ დღე 11 სათიდან შუადღის 3 საათამდე.

შინაგან და ნერვებით ავთმყოფებს მიიღებს

მ. ს. ბ. თოფურია.

ხირურგიულ შარდით და სიფილისით

მ. ფ. კ. გერაბი.

დედაკაცურ ავთმყოფთა და საბებიოს ქალი-

მ. მ. ფ. კახანი.

თვალების ავთმყოფისათვის

მ. ი. კ. ვარზაშვი.

რჩევა დარბევების ფასი 50 კ., კონსილიუმის ფასი 3 მ. დღე და ღამე ქირა საავთმყოფოში სრული ხარჯით და ექიმობით 2—3 მანეთამდე. ანერსციის ფასი გარბევაზეა.

სამკურნალოს დირექტორი ს. ბ. თოფურია.

შ ი ნ ა ა რ ს ი:

სალიტერატურო განყოფილება: სიტყვა, წარმოთქმული არქიმანდრიტის ლეონიდის მიერ 11 იანვარს სიონის საკათედრო ტაძარში ჩვენი სასიქადულო მეფის ერეკლე მეორის პანაშვიდის გარდახდის დროს.—ლოცვასთან და სასულიერო წიგნების კითხვასთან ერთად აუცილებლად საქირაანების გაწრთვნა, თვით-განუკეთესობა.—ახალი ამბები და შენიშვნები.—„მწვემის“-ს კორრესპონდენცია ზუგდიდის მაზრიდან.—დღესასწაულობა ქუთაისის ქალების გიმნაზიაში.—იუდა, ლექსი ნადსონისა.—საისტორიო მასალა მღვიმის დედათმონასტერი.—რედაქციისაგან.—განცხადება.

რედაქტორ-გამომცემელი დეკ. დ. ლამბაშიძე.

Редакторъ-Издатель П. Д. Гамбашидзе.

Дозволено цензурою, Тифлисъ, 29 Января 1898 г. ♦ Цензоръ прот. Е. Елиевъ.

Типог. редакціи журн. „Пастыръ“ (П. Д. Гамбашидзе) въ Кутаисѣ, въ д. бр. Ханановыхъ, на Нѣмецкой ул.